

SVI LJUDI ZASLUŽUJU JEDNAKE MOGUĆNOSTI

"Zastani i poslušaj" nije samo projekat, već borba za dostojanstvo, jednakost, slobodu, toleranciju i prihvatanje. Teži koncepciji društva u kojem svi ljudi zaslužuju jednake mogućnosti i socijalnu pravdu. I tako je dobio epitet pokreta socijalnog uključivanja. Tu su i dokumentarni film i pjesma "Zastani i poslušaj" o istinskim borcima i herojima našeg društva, tri moderne strategije socijalnog uključivanja na entitetskim i nivou Brčko distrikta BiH za period 2021-2027, osnažene novim znanjima, vještinama i tehnikama članice Koalicije marginalizovanih grupa u BiH KOMA...

"ZASTANI I POSLUŠAJ"

Borba za bolje i pravednije bh. društvo

FSU u BiH i IBHI zagovaraju socijalnu uključenost u BiH

"Zastani i poslušaj" je priča o dokumentarnom filmu, spotu za pjesmu, serijalu videa i priča u fokusu, dio koncepta dostojanstvenog života, ali i slogan projekta posvećenog istinskim borcima i herojima našeg društva i njihovoj svakodnevnoj borbi za jednaka prava i mogućnosti.

Davno je počela i dugi niz godina traje borba Fondacije za socijalno uključivanje u BiH (FSU u BiH) i Inicijative za bolju i humaniju inkluziju (IBHI) da utiču na promjenu stavova prema uključenosti i otvorenosti u BiH, da ukažu na sve probleme s



Ovaj projekt finansira Evropska unija



UNICEF
za svako dijete



Ministarstvo ljudskih prava i izbjeglištva
Vlada Republike Bosne i Hercegovine



Ministarstvo obrazovanja, nauke i tehnološkog razvoja
Vlada Republike Bosne i Hercegovine

kojima se osobe i grupe na margini društva susreću, na konstantni porast siromaštva i njegove uzroke, kao i nepravdu i fiskalnu neodrživost postojećih socijalnih sistema. Nastavljena je i vidljiva i tokom

protekle dvije i po godine rada, u realizaciji projekta "Izgradimo zaogovaračku platformu za socijalnu uključenost u BiH - Zastani i poslušaj", koji finansira Evropska unija i UNICEF u BiH.

PERCEPCIJA JAVNOSTI

Kako je mijenjanje javne percepcije i s njom povezanih stereotipa i nedostataka značajan aspekt svake borbe, "Zastani i poslušaj" je dobio epitet FSU u BiH i IBHI pokreta socijalnog uključivanja i glasa pravde. Tome su doprinijele kreacije ličnih priča stvarnih likova protkane jedinstvenom emocijom i snagom duha, prezentovane u spotu, pet videa u fokusu, 51-minutnom dokumentarnom filmu, opjevane u pjesmi, a koje su stigle do srca preko dva miliona osoba u BiH i šire.

Snimanje duhovite i poučne priče o šest mladih osoba iz BiH koja nas uči šta znači istinsko herojstvo, ekranizovane u dokumentarni film "Zastani i poslušaj", u saradnji s produkcijskom kućom FIST iz Sarajeva, nije uspio obustaviti ni korona virus. Film šalje poruku da ne postoji nepremostiva životna prepreka ukoliko je jasno zacrtan cilj prema kojem se stremiti. Nakon svečanih premijera u sarajevskoj Vijećnici i banjalučkom Narodnom pozorištu, zahvaljujući edukativnom i

društenokorisnom karakteru, film je emitovan na deset bh. televizijskih stanica, uključujući sva tri javna servisa, a u nadolazećem periodu se sprema krenuti i na put festivalskog života.

Pjesmu "Zastani i poslušaj" mnogi su imali priliku čuti u programima bh. radio-stanica. Iako govori o izazovima s kojima se osobe na margini suočavaju u životu, zahvaljujući personifikaciji s bojama i lakom ritmu donosi osjećaje vedrine i motivacije u svima da prihvate ljepotu različitosti.



Poslije banjalučke premijere dokumentarnog filma "Zastani i poslušaj"

PUT KOALICIJE KOMA

FSU u BiH je 2014. osnovao Koaliciju marginalizovanih grupa u BiH KOMA i od tada vrši ulogu njenog sekretarijata i kontinuirano jača njene kapacitete. KOMA trenutno broji 121 člani

u iz cijele BiH, među kojima predstavnike javnog, privatnog i nevladinog sektora, pojedince, i kao takva je jedinstvena u cijelom regionu. "Zastani i poslušaj" je organizacijom pet dvodnevni

treninga o zagovaranju, lobiranju i IKT tehnologijama omogućio članicama KOMA sticanje novih znanja, vještina i tehnika potrebnih za bolje pozicioniranje njihovih organizacija u društvu.

BOGATI BOGATJI, SIROMAŠNIMA SVE TEŽE, STRATEGIJE SOCIJALNOG UKLJUČIVANJA PUT KA BOLJOJ BUDUĆNOSTI

Uprkos lošem stanju i performansama bh. ekonomije, visokoj stopi siromaštva i velikom broju osoba u stanju socijalne potrebe, vlast ne radi ni dovoljno ni potrebno u pravcu socijalne uključenosti i zaustavljanja porasta siromaštva. Socijalna zaštita je pogrešno definisana, transferi se usmjeravaju prema statusu, a ne prema potrebama. Oko 50% stanovništva je socijalno isključeno, a 23% ispod linije apsolutnog siromaštva. Na sve ekonomske poteškoće, udaljenost od životnog standarda Evropske unije, nadovezala se pandemija korona virusa, koja nas je još više udaljila od značajnijeg ekonomskog napretka. Crne statistike se najteže odražavaju na najranjivije društvene kategorije. Mišljenje Evropske komisije o kandidaturi BiH za članstvo u Evropskoj uniji jasno definiše 14 prioriteta,

uslova za prihvatanje kandidature. Prioritet 13 je unaprijediti zaštitu i inkluziju ranjivih grupa, posebno osoba s invaliditetom, djece... U Analitičkom izvještaju (Poglavlje 19) priloženom uz Mišljenje konkretizuje se loša ocjena socijalnih politika i potreba cjelodržavne strategije socijalnog uključivanja. U cilju zaustavljanja negativnih trendova, smanjenja nivoa siromaštva i puta BiH u bolju budućnost, ekspertni tim "Zastani i poslušaj" kreirao je tri moderne strategije socijalnog uključivanja na entitetskim i nivou Brčko distrikta BiH, shodno ustavnim nadležnostima, za period 2021-2027, koje su usklađene s EU standardima. Sve tri strategije su usmjerene na rješavanje ključnih problema socijalnog uključivanja u BiH. Problem nedostatka statističkih podataka predstavljao je samo jedan

od izazova, koji nisu spriječili da dokumenti ugledaju svjetlo dana. Pripremi su prethodili dva policy dokumenta, u kojima su detaljno objašnjeni ključni problemi socijalnog uključivanja u BiH i date preporuke za njihovo rješavanje, okrugli stolovi, SWOT/PEST radionice, online konsultacije u Sarajevu, Banjaluci i Brčkom, sve uz aktivnu participaciju organizacija civilnog društva (OCD) marginalizovanih, predstavnika institucija i akademske zajednice. Usvajanje strategija socijalnog uključivanja predstavljalo bi značajan korak na putu socijalne uključenosti i smanjenja siromaštva, kao i realizaciju Prioriteta 13 iz Mišljenja Evropske komisije o bh. kandidaturi za EU. U Federaciji BiH je usvojeno da se to i uradi, a u Brčko distriktu je ugrađeno u Opštu strategiju razvoja.



Okrugli stolovi i SWOT/PEST radionice "Zastani i poslušaj"

JEDNAKE MOGUĆNOSTI I SOCIJALNA PRAVDA

Dakle, "Zastani i poslušaj" nije samo projekat, već borba za dostojanstvo, jednakost, slobodu, toleranciju i prihvatanje. Teži koncepciji društva u kojem svi ljudi zaslužuju jednake mogućnosti i socijalnu pravdu.

Različitosti koje su pojedinci stekli ili se s njima rodili ne smiju biti razlog za diskriminaciju u društvu. Zato je potrebno boriti se s predrasudama.



Žarko Papić, direktor IBHI i tim lider policy komponente projekta

Žarko Papić, direktor IBHI i tim lider policy komponente projekta, kaže: "Sistem socijalne zaštite u BiH je neracionalan, neefikasan i pasivan. Socijalno uključivanje je aktivni koncept, s marginalizovanim grupama u centru, a znači obezbijediti jednake mogućnosti, uključivanje u rad, društveni život i sve drugo."

Ovaj članak proizveden je uz finansijsku podršku Evropske unije. Sadržaj članka isključiva je odgovornost Fondacije za socijalno uključivanje u BiH i Inicijative za bolju i humaniju inkluziju i ne predstavlja nužno stajalište Evropske unije.



Ovaj projekt finansira Evropska unija